

UPRAVA DRUŠTVA

Broj: U.D-01-04-14751/23
Sarajevo, 14.09.2023. godine

Na osnovu člana 70. stav (3) Zakona o javnim nabavkama ("Službeni glasnik BiH" broj: 39/14), člana 45. Statuta "JP BH POŠTA" d.o.o. Sarajevo, i člana 18. stav (2) Pravilnika o javnim nabavkama "JP BH POŠTA" d.o.o. Sarajevo, te prijedloga - preporuke Komisije za nabavku zimske službene odjeće broj: 07.4-11-9-2252-39/23 od 13.09.2023.godine, Uprava Društva na 244. elektronskoj sjednici održanoj dana 14.09.2023.godine, d o n o s i:

O D L U K U
O IZBORU NAJPOVOLJNIJEG PONUĐAČA

I

U postupku javne nabavke **ljetne i zimske službene odjeće**, ovom odlukom vrši se izbor najpovoljnijeg ponuđača: **„KM TRADE“ d.o.o. Visoko, sa ukupnom vrijednošću ugovora do 1.184.891,70KM bez PDV-a**, odnosno ukupnu vrijednost Ugovora 1.386.323,28KM sa uračunatim PDV-om;

II

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. zakona o javnim nabavkama u formi i sadržaju kako je to zahtijevano tenderskom dokumentacijom ovog postupka nabavke. Dokazi moraju biti fizički dostavljeni na protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

III

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E:

Na osnovu Odluke o pokretanju postupka javne nabavke **ljetne i zimske službene odjeće** br. U.D.-01.04-8697/23 od 23.05.2023. godine kojom se odobrava nabavka **ljetne i zimske službene odjeće** u iznosu do 1.185.000,00 KM bez uračunatog PDV-a putem otvorenog postupka i rješenja Generalnog direktora o imenovanju Komisije za provođenje predmetnog postupka broj: 01-11-9-2252-28/23 od 24.05.2023. godine, proveden je otvoreni postupak javne nabavke, objavljivanjem Objaveštenja o nabavci broj: 238-1-1-221-3-133/23 dana 15.06.2023.godine na Portalu javnih nabavki i ispravke obavještenja o nabavci broj 238-1-1-221-8-151/23 od 24.07.2023. godine.

Ugovorni organ je zaprimio žalbu na tendersku dokumentaciju br.07.4-11-9-2252-30/23 žalitelja „FCT“ d.o.o. Banja Luka. Nakon dostavljenog izjašnjenja na žalbu Ugovornog organa sa cjelokupnom dokumentacijom prema Uredu za razmatranje žalbi (URŽ) isti je donio Zaključak br. JN-01-07-1-1694-6/23 od 18.07.2023.godine kojim je predmetnu žalbu odbacio kao neurednu. U skladu sa navedenim zaključkom URŽ-a, Ugovorni organ je objavio ispravku obavještenja o nabavci br.238-1-1-221-8-151/23 od 24.07.2023.godine.



GENERALNA DIREKCIJA

Javno ovaranje ponuda u postupku predmetne nabavke je održano dana 17.08.2023. godine u 10.¹⁵ sati, u prostorijama Generalne direkcije "JP BH POŠTA" d.o.o. Sarajevo, o čemu je sačinjen poseban Zapisnik o otvaranju ponuda, koji se dostavlja u prilogu ovog Izvještaja. Na otvaranju ponuda su prisustvovala dva predstavnika ponuđača Mraz d.o.o. Pale tako da je zapisnik uručen lično.

Nakon izvršenog otvaranja svih pristiglih ponuda, Komisija je pristupila analizi i utvrđivanju validnosti ponuda, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponuda, u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, i konstatovala sljedeće:

1. Ponuda ponuđača **KM Trade d.o.o. Visoko** ukupno bez uračunatog PDV-a iznosi **1.184.891,70KM bez PDV-a**, te ispunjava sve pravne, ekonomske i tehničke uslove utvrđene tenderskom dokumentacijom, te je ista ocijenjena kao formalno-pravno, ekonomski i tehnički prihvatljiva.
2. da ponuda ponuđača **Mraz d.o.o. Pale** ukupno bez PDV-a iznosi **1.182.291,50 KM** i ne ispunjava sve uslove utvrđene tenderskom dokumentacijom, te je shodno tome ocijenjena kao **neprihvatljiva za ugovorni organ** i ne može biti predmet vrednovanja.

Naime, provjerom iste od strane Komisije utvrđeni su nedostaci koji su prikazani u slijedećoj tabeli:

Broj pozicije	Vrsta odjeće	nedostatak
zimski službena odjeća (Tabela A) r.br. 6	ZIMSKA JAKNA <i>Radnici koji obavljaju poslove dostave poštanskih pošiljaka Radnici koji obavljaju poslove portira i recepcionera</i>	Tenderskom dokumentacijom u aneksu 3. pod tačkom 6 (tabela A) traženo je 910 komada zimskih jakni i propisano je: „ Donji dio leđa je napravljen iz 4 dijela, koji su spojeni i prošiveni vanjskim ukrasnim štepom “. Također i slikovni prikaz zimске jakne jasno definiše donji dio leđa iz 4 dijela. Uz napomenu: Ponuđač je obavezan u potpunosti ispuniti sve tražene karakteristike robe definisane predmetnom tenderskom dokumentacijom, u suprotnom njegova ponuda će biti eliminisana zbog neispunjavanja tehničkih uslova. Na dostavljenim uzorcima zimskih jakni donji dio leđa je urađen iz 3 dijela , dakle isti nisu u skladu sa zahtjevom definisanim aneksom 3 TD.

Također, tenderskom dokumentacijom pod tackom 7.3.2. zahtjevano je da ponuđač u sastavu ponude dostavi orginale ili ovjerene kopije dokumenata kojim dokazuje tehničku i profesionalnu sposobnost : Uz spisak izvršenih Ugovora ponuđač je dužan dostaviti minimalno jednu potvrdu u gore navedenom iznosu, koja je u vezi sa spiskom isporučene



roba, a koju daje druga Ugovorna strana o njihovoj realizaciji, a koje obavezno sadrže: naziv i sjedište Ugovornih strana ili privrednih subjekata, predmet Ugovora sa jasnom naznakom da se radi o ljetnoj i zimskoj odjeći, vrijednost Ugovora, vrijeme i mjesto izvršenja Ugovora i navode o uredno izvršenim Ugovorima. U slučaju da se takva potvrda iz objektivnih razloga ne može dobiti od Ugovorne strane koja nije Ugovorni organ, važi izjava ponuđača o uredno izvršenim Ugovorima, uz predočenje dokaza o učinjenim pokušajima da se takve potvrde obezbijede;

7.3.3. Ponuđač je u sastavu ponude dužan **dostaviti orginale ili ovjerene kopije dokumenata** kojim dokazuje tehničku i profesionalnu sposobnost.

međutim na strani 19-126 ponude dostavljena je potvrda o uspješnoj realizaciji ugovora koja nije niti original, niti ovjerena kopija te neispunjava uslove iz tenderske dokumentacije.

Na osnovu svega gore navedenog, u skladu sa članom 68. stav.(4) alineja i) ZJN, ponuda ponuđača **Mraz d.o.o. Pale**, nije dalje razmatrana, te je u skladu sa naprijed navedenim konstatovano da je ponuda **neprihvatljiva** za Ugovorni organ.

Ugovorni organ je za predmetnu nabavku predvidio provođenje e-aukcije, ali s obzirom na to da je pristigla ukupno jedna prihvatljiva ponuda za ugovorni organ, te cijeneći Pravilnik o uslovima i načinu korištenja e-aukcije, član 3. stav 3, Ugovorni organ neće zakazivati e-aukciju već će nabavku okončati u skladu sa članom 69. Zakona.

Nakon svega gore navedenog utvrđena je **rang lista ponuđača** koji su ispunili kvalifikacione uslove i to kako slijedi:

Red. broj	Naziv ponuđača	Ukupna cijena ponude bez PDV-a, (KM)
1	KM Trade doo Visoko	1.184.891,70KM

Obzirom da ponuda ponuđača **KM Trade doo Visoko** u potpunosti odgovara traženim formalno-pravnim, tehničkim i ekonomskim zahtjevima ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama.

Dostaviti:

- Služba Unutrašnje zaštite
- Marketing (za objavu)
- Sektor za EKF poslove
- Odjeljenje za Javne nabavke
- Ponuđačima putem odjeljenja za javne nabavke



GENERALNI DIREKTOR
dr. sci. Mirsad Mujić

